




IROMAG

Odlazni studenti



by IROUNMO

U OVOM BROJU

**PITAJ DIPLOMATU
DAN STUDENATA
65. GODIŠNJICA
MAŠINSKOG FAKULTETA
KONFERENCIJA NA
MAŠINSKOM FAKULTETU
SVEČANA SJEDNICA**

Dan državnosti Bosne i Hercegovine je praznik u Bosni i Hercegovini, koji se obilježava 25. novembra.

Na taj dan 1943, na prvom zasjedanju Zemaljskog antifašističkog vijeća narodnog oslobođenja Bosne i Hercegovine (ZAVNOBIH-a) u Mrkonjić Gradu usvojena je Rezolucija ZAVNOBiH-a, u kojoj je izražena odlučnost naroda BiH da njihova zemlja, bude zbratimljena zajednica u kojoj će biti osigurana puna ravnopravnost svih, te ravnopravnost NR BiH unutar buduće SFRJ, sa historijskim granicama koje su datirale još iz vremena srednjovjekovne Bosne.

PREDAVANJE “PITAJ DIPLOMATU” U ORGANIZACIJI UNIVERZITETA I OSCE-A

By IROUNMO

Univerzitet "Džemal Bijedić" u Mostaru u saradnji s Organizacijom za sigurnost i saradnju u Evropi (OSCE) organizuje predavanje pod nazivom "Pitaj diplomatu". Predavanje će održati ambasador Brian Aggeler šef misije OSCE-a u Bosni i Hercegovini, koji će sa studentima i pristunim gostima podijeliti svoja iskustva iz oblasti diplomatije i međunarodnih odnosa. U sklopu ovog predavanja, studenti su imali priliku upoznati se sa izazovima i prilikama s kojima se susreću diplomate u svom radu i angažmanu, te da saznaju više o ulozi i značaju diplomatije u globalnom kontekstu. Predavanje je bilo upriličeno 14. novembra sa početkom u 11:00 sati u amfiteatru Fakulteta humanističkih nauka Univerziteta „Džemal Bijedić“ u Mostaru. Nakon predavanja, uslijedila je interaktivna diskusija, tokom koje su studenti imali priliku postavljati pitanja i razmjenjivati mišljenja sa ambasadorom Aggelerom stručnjakom iz oblasti diplomatije.



The poster features the logo of the University of Mostar (UNIVERZITET "DŽEMAL BIJEDIĆ" U MOSTARU) on the left and the OSCE logo (Organization for Security and Co-operation in Europe) on the right. The main title is "PITAJ DIPLOMATU" in large, bold, black letters, with the subtitle "ASK THE DIPLOMAT" in a smaller, italicized font below it. The speaker's name and title are listed as "Predavač: Ambasador Brian Aggeler, šef Misije OSCE-a u Bosni i Hercegovini". The date and time are "14.11.2024. | 11:00 SATI", and the location is "AMFITEATAR FAKULTETA HUMANISTIČKIH NAUKA".

MEĐUNARODNI DAN STUDENATA

By IROUNMO

Danas, 17. novembra, obilježavamo Međunarodni dan studenata-dan koji simbolizira borbu studenata za prava, jednakost i bolje uslove obrazovanja.

Ovaj dan je proglašen 1939. godine u znak sjećanja na herojski čin studenata i profesora u Pragu, koji su stradali zbog borbe za slobodu i obrazovanje. Više od 1.200 studenata tada je odvedeno u koncentracione logore, a devet je pogubljeno.

Studenti su nositelji promjena i ključni faktor u razvoju svakog društva. Njihova borba za bolje obrazovanje, kvalitetniji nastavni proces i pravedne uslove je ono što oblikuje budućnost.

Sretan Međunarodni dan studenata svim kolegicama i kolegama!

Ovaj datum obilježava godišnjicu nacističkog napada na Univerzitet u Pragu nakon demonstracija protiv njemačke okupacije Čehoslovačke i ubistva studenta Jana Opletala i radnika Václava Sedláčka. Nacisti su tom prilikom uhapsili studente, pogubili devet studentskih vođa i poslali više od 1.200 studenata u koncentracione logore, uglavnom u Sachsenhausen. Nakon toga su zatvorili sve češke univerzitete i fakultete.



65. GODIŠNJICA MAŠINSKOG FAKULTETA

By IROUNMO

Održana svečana sjednica Naučno-nastavnog vijeća Mašinskog fakulteta Univerziteta "Džemal Bijedić" u Mostaru

Program obilježavanja 65. godišnjice Mašinskog fakulteta Univerziteta "Džemal Bijedić" u Mostaru započeo je održavanjem Svečane sjednice Naučno-nastavnog vijeća Fakulteta 21.11.2024. godine. godine u 11 sati

Rektor Univerziteta "Džemal Bijedić" u Mostaru prof. Dr. Alena Huseinbegović se obratila svim prisutnim.

U ime Federalnog ministarstva obrazovanja i znanosti, prigodan govor održao je pomoćnik za znanost i tehnologiju Marko Antonio Brkić.

Dekan Fakulteta, prof. Dr. Mirna Nožić pozdravila je prisutne u ime uposlenika i studenata Mašinskog fakulteta i u svom govoru ukazala na razvojni put fakulteta od osnivanja do danas.

Uručena priznanja Fakulteta profesorima koji su dali najveći doprinos obrazovanju vlastitog kadra Mašinskog fakulteta: prvi poslijeratni dekan prof. Dr. Stefanu Sunariću (posthumno), predsjedniku UO Fakulteta vanrednom profesoru Muhamedu Voljevici (posthumno) i svim profesorima koji su učestvovali u nastavnom procesu na prvom poslijeratnom poslijediplomskom studiju organizovanom 1997-1999. godine.

Uručene su zahvalnice i bivšem muftiji Seid ef. Smješko, bivšem gradonačelniku Mostara, gospodinu Safetu Oručeviću

Za kontinuiranu podršku razvoju Zahvalničkog fakulteta dodijeljeni su: gospodin Đahid Muratbegović, bivši direktor firme "Igman" u Konjicu i doc. Dr. Rešad Malović bivši direktor Ogranka Hidroelektrane na Neretvi Jablanica.

Potvrde o zahvalnicama Fakulteta dodijeljene su i Federalnom ministarstvu obrazovanja i nauke i Ministarstvu trgovine HNK za dugogodišnji doprinos razvoju Fakulteta.

Studenti prvog i drugog ciklusa s najboljim prosječnim ocjenama u akademskoj 2023/24. godini uručene su Dekanove nagrade.

Obilježavanje 65. godišnjice Mašinskog fakulteta nastavlja se Naučno-stručnom konferencijom pod nazivom "Trendovi i perspektive razvoja industrije u FBiH", koja će se održati u petak, 22. studeni 2024. godine s početkom u 10 sati.



KOFERENCIJA „TRENDVI I PERSPEKTIVE RAZVOJA INDUSTRIJE U FBiH“

By IROUNMO

Na Mašinskom fakultetu Univerziteta “Džemal Bijedić” u Mostaru održana Naučno-stručna konferencija „Trendovi i perspektive razvoja industrije u FBiH“

22. novembra, u sklopu obilježavanja 65-e godišnjice Mašinskog fakulteta, održana Naučno-stručna konferencija „Trendovi i perspektive razvoja industrije u FBiH“.

Cilj Konferencije je bio povezivanje akademske zajednice i predstavnika privrede, kako bi im se omogućilo da kroz razgovor otvore ključne teme, koje oblikuju budućnost proizvodnje i tehnologije.

Izlagачi na Konferenciji su bili: akademik **dr.sc.** Isak Karabegović, profesor emeritus **dr.sc.** Džemo Tufekčić, van.prof.dr. Stipo Buljan, profesor emeritus **dr.sc.** Himzo Đukić, profesor emeritus **dr.sc.** Nermina Zaimović Uzunović, prof.dr. Hazim Bašić i doc.dr. Samir Dizdar.

Kroz izlaganja eminentnih profesora učesnici Konferencije su se upoznali sa: stanjem i perspektivama razvoja metalne i vojne industrije u FBiH, trendovima u istraživanju transformacione moći Četvrtе industrijske revolucije, mjestu računarskih tehnologija u rješavanju inženjerskih problema kroz modeliranje i simulaciju, te ulozi obrazovanja kao temelja industrijskog razvoja.

Naučno-stručnoj konferenciji „Trendovi i perspektive razvoja industrije u FBiH“ prisustvovao je i veliki broj studenata Mašinskog fakulteta.



SVEČANA SJEDNICA AKADEMIJE NAUKA I UMJETNOSTI BIH

By IROUNMO

Rektorica Univerziteta „Džemal Bijedić“ u Mostaru prof. dr. Alena Huseinbegović predvodila je delegaciju Univerziteta koja je prisustvovala Svečanoj sjednici Akademije nauka i umjetnosti Bosne i Hercegovine povodom obilježavanja Dana državnosti Bosne i Hercegovine. Delegaciju Univerziteta su uz rektoricu činile prorektorica za naučno nastavna pitanja prof. dr. Azra Špago, prorektorica za nauku i naučnoistraživački rad doc. dr. Amela Pirić, te generalni sekretar Univerziteta mr. sc. Adela Proho. Na Svečanoj sjednici Akademije posebno je istaknuto kako Akademija nauka i umjetnosti Bosne i Hercegovine ima aktivan pristup u naučnom izučavanju značaja ZAVNOBiH-a za uspostavu i razvoj državnosti Bosne i Hercegovine. 25. novembra obilježava se Dan državnosti Bosne i Hercegovine jer je upravo na taj datum 1943. godine održano Prvo zasjedanje Zemaljskog antifašističkog vijeća narodnog oslobođenja Bosne i Hercegovine (ZAVNOBiH) u Mrkonjić Gradu. Na pomenutom zasjedanju donesena je odluka o obnovi državnosti Bosne i Hercegovine, potvrđene su njene historijske granice, te je Bosna i Hercegovina definisana kao jedna od šest ravnopravnih republika u tadašnjoj Jugoslaviji.

U ime Univerziteta „Džemal Bijedić“ u Mostaru svim građankama i građanima Bosne i Hercegovine čestitamo nadolazeći praznik – Dan državnosti Bosne i Hercegovine.



IROMAG



/iro.unmo



@iro.unmo



/iro.unmo

IROMAG TEAM
MIRSADA BEHRAM
LEJLA ŠKALJIĆ
LEJLA REPEŠA
HUSEIN MARIĆ

